

Rolltreppe nach Malmö


Suppe, Soife, Seeleheil -
mänge gspört halt nor d'Nochteil.
Mer send gern zo allne guet,
well döt schöpfe mer eus Mueter.
Kompromiss wä mer e kei,
trouet nor of Gott elei.

Aber zom of Malmö go,
passed mer de Name ah.
Nor Armee tönt ned so geil,
nänned mers drom eifach Heil.

Zom Sieg langt's ned!


Sammle ond ir Chälti stoh:
Nüt chasch au dehei becho.
Zero Points, en suure Stei -
Bliebet mer doch grad dehei.

*Es war einmal ein Land am Mittelmeer
das hatte keine Mittel mehr.*



Fall bei Spiel

Wär hoch flügt erlebt
en tüfe Fall. Im
Fall vom Felix B.
grad usem All.
Plötzlich strudlet er,
stabilisiert sich.
D'Ufregig isch gross -
niemert rüehrt sich.
Doch, denn hät er's gschafft.
Eus nähmtis wunder,
wie wär's usecho,
hät mer statt ihm
en Schwiizer Skifahrer gno:
Wär de abe cho?



Ach wie gut dass niemand weiss, dass ich SRF heiss!

Bahnhöfe - aufgleisen

Das isch s'Lied vo de Bahnhöf,
wo sie s'Gleis gäng scho neu boue hei
oder noni weggno.
Und dört stöh Lüt im Schiewerfer-Liecht
wo tüend schaffe.
Sigs am Abe, sigs am Morge:
De Lärm am Geisseweg isch starch.
Z'Nacht will d'SBB tuet schaffe,
tags weg de Muffle ihrem Gschnarch!

Une rose, s.v.p.

Umschwärmt vo junge Dame hät de TV
Bachelor
die Fraue gnau betrachtet, all vo hinde und
vo vor.
Bis dass er eini usgwählt hät, s'isch Corinne
Cam Müller.
Doch wenn's jetzt sötte hürate, wo nemmsch
de Name her?

Cam Leutenegger-Müller,
Müller-Leutenegger Cam?
Lorenzo Müller-Leutenegger-Egger-Müll wär
gnäm.
Doch Doppelnäme chasch vergesse mit dem
neue Gsetz.
Da chas eim ned verwundre stah emal es
Wappe scheps.
*(Da isch's es riesegrosses Glück hät sie ihn
no versetzt.)*



Asylbaba und die siebzig Räuber

Verenahof, Verenahof -
Was machsch mit dem?
Was machsch mit dem?
Verenahof, Verenahof -
So leer isch eifach doof.

Hindrem Bahnhof, ganz tuf in Koblenz, stah
de Verenahof.

Siebezg Afro-, Nordafrikaner die chömed vo
de Hoch „Ueli“.

Doch eeehhr, wänd eus alli nöd.
Doch eeehhr, tüend so saublööööd.

Debii hätted mer Goofe scho Vorschläg gha:
Mer mache drus en Indoor-Spielplatz, mega.
Of zweene Stöck, das längd.
Im Parterre hämmer dänkt:
Für d'Kurärzt gits de Nightclub „Zur Verena“.



Das tapfere Scheiterlein

Es Schniderli esch tapfer gsi
ond es packt sini Köffer.
Es seit ich mach e grossi Tour,
s'esch halt chli en Blöffer.

ond Johre spöter luegt es zrug
of sini Tour de France
Sieben weg auf einen Streich,
mer gratuliert — Lance.

Wenigstens hät er sis Velo no!



www.goofe.ch

Abdankung

S'esch skandalös s'esch bodeböös s'esch
schuderbar - aber s'esch wahr!



Einzug

Mer send d'OberfläckeGoofe, wänd lose was
das Johr esch gloffe. Mer send
d'OberfläckeGoofe, wänd lose was das Johr
esch gloffe

Sunrise „Porno“ – Promo

Sun-rise, Sun-rise,
s' Schaufenster lauft heiss,
wenns mol öpis spannends git, muesch
luege, wänns scho weisch.
Doch es esch jo
gar kein Porno gsi
sondern nor d'Wahlkampfkampagne vom
Berlusconi.

Fusions Kuss

Ha nor welle wösse, eb ich dech cha kösse,
eb du mech wörsch näh, mer din Stüürfuess
gäh

Du besch hinter mim Stüürfuess her,
met der hät ich jo nor es Kär.
Drom hau jez ab, mach schnell husch husch!
Bi der häts eh kein Sack Gold im Busch.